

Uunga siunnersuut: Avatangiisit innarlitsaaliorneqarnissaanik Inatsisartut inatsisaat nr. xx, xx.xx 2011-meersoq

Kapitali 1

Inatsisip siunertaa atuuffialu

§ 1. Inatsisartut inatsisaat nunap nunataani atuuppoq. Taamatuttaaq nunamit pisumit immami mingutsitsinermi inatsit atuuppoq.

§ 2. Inatsisartut inatsisaata pinngortitap avatangiisillu illersorneqarnissaat siunertaraa, taamaalilluni inuup inuuniarnikkut atugarisai aamma uumasunik naasunillu piuinnnarnissaat ataqqillugit piujuartitsinermik tunngaveqartinneqarlungi inuaqatigiit ineriertortinneqarlutik. taamaalilluni inuaqatigiit ineriertornerat piujuartitsinermik tunngaveqartinneqarlungi inuup inuuniarnikkut atugarisai aamma uumasunik naasunillu piuinnnarnissaat ataqqillugit.

Imm. 2. Inatsisartut inatsisaatigut anguniarneqarpoq:

- 1) Silaannaap, erngup, sermip, qaqqaat aamma nunap mingutsinneqartarnerisa pinaveersaartinneqarnissaat mingutsitsinerullu akiorneqartarnissaa.
- 2) Nipiliortitsinerup pinaveersaartinneqarnissaat akiorneqarnissaalu.
- 3) Innuttaasut peqqissuunissaannik illersuineq.
- 4) Mingutsitsinaveersaarnissap pilersaarusrusiorfigineqarnissaanut iliuuseqarfigineqarnissaanulli tunngavissiuinissaq.
- 5) Isumalluutinik atuinerup maangaannartitsisarnerullu killilersimaarneqarnissaat.
- 6) Eqqakkanik igitsisarnermut atatillugu atoqqiisarneq siuarsaavigalugu ajornartorsiutillu killilersimaarlugit.

Imm. 3. Inuup peqqinnartumik aamma peqqissinartumik inuunissaanut pingaaruteqartut aamma uumasut naasullu assigiinngiaartut piuinnnarnissaannut pingaaruteqartut avatangiisit pitsaasuujuarnissaasa immikkut qularnaarneqarnerannut Inatsisartut inatsisaat tunngavigineqassaaq.

§ 3. Inatsisartut inatsisaanni pineqarput:

- 1) Atortussianik issoqqasunik, imerpalaunik silaannartulluunniit pissusilinnik, imaluunniit uumassusilinnit pisunit aniatitsinikkut silaannarmik, imermik, serminik, qaqqanik aamma nunanik mingutsitsinermik kinguneqartitsisinnaasunik sulinerit suulluunniit.
- 2) Sajuppilutsitsinerit, nipiliornerit aamma tipimit akorngutit.
- 3) Tunisassiat nioqqutissialluunniit, suliarineqarnerminnut, uninngasuutineqarnerminnut, atorneqarnerminnut, assartorneqarnerminnut imaluunniit iginneqarnerminnut atatillugu mingutsitsinermik kinguneqartitsisinnaasut..

- 4) Assartuutit aamma atortut nuuttakkat allat, mingutsitsinermik kinguneqartitsisinnaasut.
- 5) Uumasuuteqarneq aamma uumasut ajoqtaasut, peqqissutsimut avatangiisinullu ajornartorsiutaalersinnaasut imaluunniit avatangiisinut annertuumik akornutaalersinnaasut.

Imm. 2. Kiisalu sulineq sulianik navianartoqaratarsinnaasunik ilalik aamma atortussianik navianartulinnik toqqortaqarlunilu assartuinernut Inatsisartut inatsisaat tunngasuuvooq, taamaalilluni ingerlatsinermi akornutit imaluunniit ajutoornerit, imm. 1-mi taaneqartuni mingutsitsinermik kinguneqarsinnaaneranik navianartoqaratarsinnaanera pinaveersaartinneqarluni.

§ 4. Aatsitassat pillugit ingerlatallu tamatumunnga pingaarutillit pillugit Inatsisartut inatsisaanut suliad ilaatinneqartut pillugit maleruagassanik aalajangersaasarnerit Inatsisartut inatsisaannut ilaatinneqanngillat.

§ 5. Inatsisip atortinneqarnerani teknikkip atukkap pitsaanerpaap pissarsiarineqarsinnaasup atorneqarnissaa sapinngisamik pingartinneqassaaq, tassunga ilanngullugit tunisassiassat annikinnermik mingutsitsisartut, suleriaatsit atortullu sanaartukkat aamma mingutsitsinermik akiuinermi iliuuserineqarsinnaasut sapinngisamik pitsaanerpaat. Taamatut naliliinermi teknikkikkut atortut minguinnerusut atorlugit pinaveersaartitsilluni suliaqarnissaq immikkut pingartinneqassaaq.

Imm. 2. Mingutsitsisoqarsinnaaneranik pinaveersaartitsilluni aamma pinngitsoortitsiniarluni iliuuseqarnerup annertussusianik aamma sunaanissaanik naliliinermi pingartinneqassaaq:

- 1) Avatangiisit qanoq ittuunerit aamma mingutsinerup taakkununnga sunniutaatut ilimanartut aamma
- 2) Atortussiat atortullu piuneranni aqquaartagaat tamaat, isumalluutinik maangaannartitsisarnerup aamma siammarterisarnerup sapinngisamik annertunerpaamik killilerneqarnissaa siunertaralugu.

§ 6. Sulineq § 3-mi taaneqartutut ittoq ima inissinneqassaaq mingutsitsisinnaaneq tamatumalu sunniutigisinnaasaa sapinngisaq tamaat killilerneqarluni.

Imm. 2. Sumiiffissamik toqqaanermi sumiiffiup eqqaata qanoq issusia qajassuunneqassaaq, tassunga ilanngullugit naasut uumasullu, maannakkut aamma siunissami atuinissaq, kiisalu avatangiisinut isumannaatsumik imermik minguttumik eqqakkanillu igitsisarnissamik periarfissat aamma ajutoornernik akiuinissaq.

Imm. 3. § 3-mi taaneqartutut sulinermik ingerlatsisoq aallarniiniartorluunniit mingutsisinerup pinaveersaartinnissaanut pinngitsoortinneqarnissaanullu pisariaqartunik iliuuseqassaaq aamma sulinerup ingerlanneqarnera ima aaqqissuullugu, sulinerup mingutsitsinissaa sapinngisamik pinngitsoortinneqarluni.

Imm. 4. Sulinerit illutaasa aaqqissuunneqarneranni ingerlatsinerullu aaqqissorneqarnerani, tassunga ilanngullugit nioqqutissiornermi periaatsit, tunisassiassat aamma atortussiat iluaquusersuutit toqqarneqarneranni qularnaarneqassaaq, isumalluutinik atuineq, mingutsitsineq eqqagassaqlertarneralu sapinngisamik killilerneqarlutik.

Imm. 5. Kinaluunniit silaannarmik, imermik, sermimik, qaqqanik imaluunnit nunamik mingutsitsisoq imaluunniit taamatut mingutsitsisoqaratarsinnaaneranik pilersitsimasoq, mingutsitsinerup kingunerata sunniutai sunniuteqarluartumik pinaveersaartinneqarnissaanik imaluunniit pinngitsoortinneqarnissaanik pisariaqartunik iliuuseqassaaq. Tamatuma saniatigut manna tikillugu pissusiusunik pilersitseqqinnissaq isumaginiarneqassaaq.

§ 7. Pisortat oqartussat, sullissiviit, sulinerit kiisalu umiarsualiveqarfiiit pisortat ingerlataannik sanaartornernik ingerlatsineranillu aamma pisiortortarnermi atuinermilu isumagisaqartut Inatsisartut inatsisaata siunertarisaata malinneqarnissaa immikkut peqataaffigissavaat.

Kapitali 2

Avatangiisit pillugit oqartussat

§ 8. Avatangiisit pillugit qitiusumik oqartussaaneq Naalakkersuisuniippoq.

§ 9. Sumiiffinni avatangiisit pillugit sumiiffinni oqartussaaneq kommunalbestyrelsimiippoq.

Kapitali 3

Qitiusumik avatangiisit pillugit oqartussat

§ 10. § 2-mi siunertap taaneqartup malinneqarnissaa siunertaralugu Naalakkersuisut malederuagassanik aalajangersaasinnaapput, tassunga ilanngullugit akiliutit aamma pissusiusimasunut pilersitseqqinnermut il.il. aningaasartuutinut akiliuteqartarneq aammalu aningaasartuutinut qularnaveeqqusiiisarnissaq pillugit, makkununnga tunegasut:

- 1) Sulinermiit, sanaartukkaniit, maskiinaniit, atortuniit, kiassaateqarfinniit assartuutiniillu kiisalu taakkua aaqqissuunnerannit, ingerlanneqarneranni aserfallatsaalineqarneranniit igitsermiillu mingutsitsinerit killilersimaarneqarnissaat.
- 2) Minguaaveqarfinniit, ikuallaavinniit, eqqaavissuarniit, eqqakkanik inissiivinniit assigisaanniillu aamma taakku aaqqissuunnerannit, ingerlanneqarneranni aserfallatsaalineqartarneranni aamma sanaartukkat taamaattut peerneqarneranni mingutsitsinerit killilersimaarneqarnissaat.
- 3) Ikummatisanut, kiassarnermut imaluunniit assartuutit maskiinallu ingerlanneqarnerannut atorneqartartut minguissusissaat aamma atortussianut akugisassaat.
- 4) Naluffiusartuni, naluttarfinni uffartarfinnilu erngup pitsaassusia nakkutigineqarneralu.
- 5) Suliarinninnerit navianartoqaratarsinnaasut kiisalu § 3, imm. 2-mi atortussiat navianartutut taaneqartut toqqortarineqarnerat assartorneqartarnerallu.
- 6) Imip, imap, sermip, qaqqat, silaannaap nunallu illorsorneqarnissaat kiisalu nipiliornernut illersuinissamut.

- 7) Atortussiat aalajangersimasut aamma nioqquissiat, atortussiat aamma nioqquissiat aalajangersimasunik akuukkat, kiisalu atortut uummassusilinnit pisut, taakku innuttaasut peqqissusianut imaluunniit avatangiisinut ajoqsiisinnappata, nunanit allanit equnneqarnissaasa, nunanut allanut anninneqarnissaasa, nioqquissiarineqarnissaasa, uninngasutigineqarnissaasa, atorneqarnissaasa, assartorneqarnissaasa aamma tunineqarnissaasa inerteqqutigineqarnissaat imaluunniit killilerneqarnissaat kiisalu sunaassusersinissaat, nalunaaqutserneqarnissaat aamma peerneqarnissaat.
- 8) Nunat pissusianik, naasuunik allanillu ajoqusikkanik iluarsaassineq.
- 9) Uumasuuteqarneq.
- 10) Uumasut ajoqtaasut.
- 11) Immigassat puui, tassunga ilanngullugit puussat aalajangersimasut atorneqarnissaannut inerteqqutit imaluunniit pisussaaffit kiisalu utertitsisarnissamut aaqqissuussinermik pilersitsinissamut pisussaaffit.
- 12) Inuinnaat aamma suliffeqarfait paasissutissanik, inatsisip matuma allaffissornikkut ingerlanneqarneranut pingaaruteqartutut nalilerneqartunik, qitiusumik aamma sumiiffinni avatangiisit pillugit pisortatut oqartussanit noqqaaffigineqarneq tunngavigalugu tunniussinissamik pisussaaffiat.
- 13) Naatsorsuutinik piujuartitsinissamut attuumassutilinnik suliaqarneq tamanullu saqqummiussisarnissaq.
- 14) Avatangiisinut tunngasut pillugit nunat tamalaat akornanni isumaqatigiissutit aqqtigalugit pisussaaffinnik naammassinninneq.
- 15) Anartarfait imannik aamma eqqiluisaarnermit pisumit imermik minguttumik katersisarnermik piaasarnermillu aaqqissuussinerit, matumani ilanngullugit kommunalbestyrelsip malittarisassanik suliaqartarnera.
- 16) Eqqiluisaarnermi pissutsit.
- 17) Tupersimaartarfait, kulturikkut, sunngiffimmi aamma timersorermik aaqqissuussinerit.
- 18) Sumiiffinni immani nunamilu uumasut pilanneqarnissaanik inerteqquteqartarneq imaluunniit pilaffissanik peqartitsineq.
- 19) Suliffeqarfait, sanaartukkut aamma aaqqissuussani il.il. nammineq akilerlugu imminut nakkutiginissaannik pisussaaffik imalluunniit nammineq akilerlugu akuerisanit, pisinnaatitanit imaluunniit immikkut suliamik ilisimasalinnit assingusuni misissuisarfennilu assingusuni imminut nakkutiginerup isumagittinera.
- 20) Nakkutilliisutut oqartussat nakkutilliinerat, tassunga ilanngullugit avatangiisit pillugit nakkutilliinerut akiliuteqartarnermut maleruagassat.
- 21) Sanaartukkut, maskiinat, atortut assartuutilu suussusiinik akuersissuteqartarneq.
- 22) Imissatut pitsaassusilimmik pilersuiffiup eqqaani ingerlatsineq, sanaartorneq aamma ilusilersuineq, tassunga ilanngullugu atortussanik toqqaaneq.
- 23) Eqqakkanik perusuersarfennillu eqqaanermik aaqqissuussinerit.
- 24) Toqusut inaat, toqusunik ikuallaasarfiit aamma iliveqarfait.
- 25) Napparsimmaviiit eqqagassaannik igitsisarneq.
- 26) Pissutsit inuit tamat eqqiluisaarnerannut peqqissusianullu pingaarutillit.

27) Assartuutit atorlugit angallannerup aaqqiissuteqarfingineqarnera, tassunga ilanngullugu kommunalbestyrelsip asimi assartuinermut aqqtigineqartussanik aamma ingerlaffissanik aalajangersaasinjaatitaanissa.

28) Nioqqutissiat isumannaatsuunissaat.

Imm. 2. Umiarsuit kasiilikat passunnissaat pillugit Naalakkersuisut maleruagassanik aalajangersaasinjaapput, tassunga ilanngulligit umiarsuit ingutserlugit aggornissaannut atoqqiinissamullu atuuttussanik pisussaaffit pillugit.

Imm. 3. Naalakkersuisut makkua pillugit maleruagassanik aalajangersaasinjaapput:

1) Sanaartukkani aalajangersimasuni mingutserisartuni inuit aqutsisut taakkununnga teknikkikkut pisariaqartunik ilisimasaqarnissaat tamatumunngalu uppernarsaateqartarnissaat.

2) Sulisorisat, sanaartukkani aalajangersimasuni mingutserisartuni suliaqartartut, sanaartukkanik avatangiisinut tunngatillugu isumannaatsumik ingerlatsinissamut uppernarsaateqartassasut, tassunga ilanngullugu ilinniartitsissutissat imarisassaat uppernarsaatillu pissarsiarineqarnissaannut piumasaqaatinik naammassinnissimanissaq.

3) Suliffeqarfiit mingutsitsinerusut qanoq iliorlutik sulisorisaminnik avatangiisit pillugit sulinermut akuutsitsisarnissaat.

Imm. 4. Sanaartukkani innuttaasut peqqissusianut aamma avatangiisinut immikkut pingaarutilinni inuit aqutsisut taakkununnga pisariaqartumik teknikkikkut ilisimasaqarnissaat aamma tamanna pillugu uppernarsaateqartarnissaat pillugit Naalakkersuisut maleruagassanik aalajangersaasinjaapput.

§ 11. § 10 naapertorlugu kommunalbestyrelsip maleruaqqusanik erseqqinnerusunik maleruagassaliornissaanut Naalakkersuisut aalajangersaasinjaapput.

§ 12. Inatsisip atuuffiata iluani Naalakkersuisut ilitsersuusiorsinnaapput, tassunga ilanngulligit silaannaap, erngup issup, nipiliornerup, eqqakkat, tipip il.il. pitsaassusissaanut piumasaqaatit.

§ 13. Pissutsinut, Inatsisartut inatsisaannit matumannga malittarisassiunneqartunut pingaarutilinnik iliuusissanik aallartitseqqulligit kommunalbestyrelsi isumaqtiginiareerlugu Naalakkersuisut kommunalbestyelsimut peqqusisinnaapput.

§ 14. Inatsisartut inatsisaata matuma aqunneqarneranut pisortat aningaasartuutaasa matussutissaanik akiliuteqartarnissaq pillugu Naalakkersuisut maleruagassanik aalajangersaasinjaapput.

Kapitali 4

Imap imillu illersorneqarnerat

§ 15. Imerpalasut atortussiallu imarmik aamma imermik mingutsisisinnaasut kuummut, tatsinut imaluunniit imaanut kuutsinneqassangillat, kisiannili ima

toqqorsivimmiitsinneqassallutik kuummi, tatsini imarmilu imermik mingutsitsinnaaneq sabinngisamik annertupaamik killilerneqarluni.

Imm. 2. Atortussiat kinnganeri immamiittut aamma imermiittut imermik mingutsitsillugit sunnerneqassanngillat.

§ 16. § 15, imm. 1-mi aamma 2-mi aalajangersagaqaraluartoq aniatitsilluni kuutsitsinissamut Naalakkersuisut akuersissuteqarsinnaapput taamaaliorermilu piumasaqaatinik aalajangersaallutik, tak, imm. 2.

Imm. 2. § 15, imm. 1-mi aalajangersagaqaraluartoq communalbestyrelsi, illunit aalajangersimasumik amerlassusilinnit minguaaveqarfiiit inuinnarnit pigineqartut aqqtigalugit kiisalu sullivinnit aalajangersimasumik angissusilinnit, suliffeqarfiiit mingutsitsinerusut allattorsimaffiani ilaangitsut, tak. § 19, imm. 2, kangerlummut aamma immamut aniatitsilluni kuutsitsinissamut akuersissuteqarsinnaavoq.

Imm. 3. § 15, imm. 1-mi aalajangersagaqaraluartoq, aniatitsilluni kuutsitsinissamut akuersissuteqarsinnaavoq aamma taakkununnga tunngasunik errorfinnit imikoorummik nunamut aamma kussinernut ammasunut kangerlummut imaluunniit immamut kuuttunut aniatitsilluni kuutsitsinissamut piumasaqaatinik aalajangersaasinnaavoq.

Imm. 4. Imm. 1 – 3 malillugu aalajangiisoqannginnerani Nunatsinni Nakorsaaneqarfik tusarniaaffigineqassaaq.

§ 17. Imermik minguttumik minguaaveqarfik avatangiisinut tunngatillugu isumannaatsumik ingerlanngippat, avatangiisinut oqartussat § 16, imm. 1 – 3 naapertorlugu akuersissuteqarnermi atugassarititatut piumasaqaatit aalajangersakkat allanngortissinnaavaat imaluunniit peqqusisinnaapput sanaartugaq pisariaqartumik pitsanngorsarneqassasoq imaluunniit nutarterisoqassasoq:

- 1) § 16, imm. 1 – 3 malillugu piumasaqaatit aalajangersarneqartut minguaaveqarfimmii eqortinnejanngippata imaluunniit isumagineqanngippata.
- 2) Mingutsitsinerup ajortumik avatangiisinut sunniutai pillugit paasissutissanik nutaanik pingaarutilinnik pissarsisoqarpat.
- 3) Akuersissutip tunniunneqarnerani ilimagineqisamik mingutsitsineq avatangiisinut annertuumik ajoqsiinermik nassataqarpat.
- 4) Mingutsitsineq akuersissutip tunniunneqarnerani tunngavigineqartumit annertuumik annertuneruppat.

Imm. 2. Mingutsitsineq unitsinneqarsinnaanngippat, sanaartukkap ingerlanneqarnerata ingerlaannarnissaata inerteqqutigineqarnera oqartussat nalunaarutigisinnaavaat.

Imm. 3. Mingutsitsinerup nassataanik peqqissuunissaq annertuumik aamma navianartorsiortinneqarpat inerteqquteqartoqarneq ingerlaannartumik sunniuteqartussangorlugu erniinnaartumik nalunaarutigineqarsinnaavoq.

§ 18. Naalakkersuisut maleruagassanik aalajangersaasinnaapput, taakkununnga aningaasartutinik makkuninnga akiliuteqartoqarnissaa ilanngullugu:

- 1) Erngup minguttup sermimut, nunaannarmut, immamut aamma imermut aniatinneqarluni kuutsinnejnarneranut.
- 2) Erngup minguttup salinnejarnissaanut aamma aniatillugu kuutsineqarneranut.
- 3) § 16, imm. 1 - 3 naapertorlugit suliassat suliarineqarnerat.
- 4) Sanaartukkat pioreersut siunissamilu sanaartugassat minguaaveqarfinnut atassusernerat.
- 5) Imeq minguttoq pillugu kommunimut pilersaarummik suliaqarnissamik communalbestyrelsip pisussaaffia.
- 6) Kommunimi imeq minguttoq pillugu pilersaarutit akuerineqarnerat.
- 7) Engup minguttup anitatinneqarnissaa pillugu akiliisoqartarnissaanik aaqqissuussinermik communalbestyrelsip maleruagassanik suliaqarsinnanera.

Kapitali 5

Suliffeqarfiit mingutsitsinerusut

§ 19. Suliffeqarfiit, sanaartukkat imaluunniit aaqqissuussinerit mingutsitsinerusut, imm. 2-mi taaneqartumi allattuiffimmi allattorneqarlutik ilaatinneqartut sananeqaratilluunniit sananerat aallartinneqassanngillat tamatumunnga akuersissut tunniunneqartinnagu.

Imm. 2. Suliffeqarfiit, sanaartukkat imaluunniit aaqqissuussinerit mingutsitsinerusut imm. 1-mi akuersissummik peqarnissamut pisussaaffeqarlutik ilaasut pillugit Naalakkersuisut allattuiffiliussapput.

Imm. 3. Suliffeqarfiit, sanaartukkat, imaluunniit aaqqissuussinerit imm. 1-2-mi taaneqartut mingutsitsinerup annertusineranik nassataqartumik illutaat allineqassanngillat imaluunniit allanngortinnejassanngillat ingerlatsinerulluunniit annertusineqaranilu allanngortinnejassanngilaq, allineqarnissaannut allanngortinnejqarnissaanulluunniit akuersissummik peqartinnani. Annertusitsineq allannguinerilluunniit annertunerusumik mingutsitsinermik nassataqassanersoq Naalakkersuisut aalajangissavaat.

Imm. 4. Sanaartukkat suliffeqarfiillu pioreersut ingerlatiinnarnissaannut akuersissummik tunineqarnissaq pisariaqanngilaq. Suliffeqarfiit, sanaartukkat imaluunniit aaqqissuussinerit pioreersut imm. 2-mi taaneqartumi allattuiffimmi ilaatinneqartut, piffissap aalajangersimasup iluani allilerneqaratillu allanngortinnejassanngikkaluarunilluunniit, akuerineqarnissaminut qinnuteqartassaapput.

§ 20. Naalakkersuisut peqqusisinnaapput, mingutsitsinermik misissuinissaq immikkut pisariaqarsorineqarpal sulliviit aalajangersimasut, sanaartukkat imaluunniit aaqqissuussinerit, taaku § 19, imm. 2-mi taaneqartumi allattuiffimmi ilaappata ilaangikkaluarpataluunniit, piffissaq aalajangersimasoq qaangiutsinnagu akuersissummik qinnuteqassasut, tak. § 19, imm. 1.

§ 21. Akuersisummi piumasaqaatit unioqqutinnejarpata, suliffeqarfik, sanaartugaq imaluunniit aaqqissuussineq, Naalakkersuisut isumaat malillugu annertuumik mingutsitsilluni, ikuutaasussatut iliutsinik aallartitsisoqarnissaanik Naalakkersuisut peqqusisinnaapput.

§ 22. Mingutsitsineq ikiorserneqarsinnaanngippat, imaluunniit § 21 malillugu peqqussutaasoq unioqqutinneqarsimappat, ingerlatsinerup ingerlatiinnarnissaanut Naalakkersuisut inerteqquteqarsinnaapput aamma suliffeqarfiup, sanaartukkap imaluunniit aaqqissuussap unitsinneqarnissaa imaluunniit peerneqarnissaa piumasarisinnaallugu.

§ 23. Mingutsitsineq avatangiisirut imaluunniit peqqinnissamut navianartorsiortitsinermik annertuumik kinguneqassappat, suliffeqarfiup, sanaartukkap imaluunniit aaqqissuussap ingerlaannarnissaanut kommunalbestyrelsip erniinnaartumik inerteqquteqarnissaq nalunaarutigisinnavaa. Tamatuma malitsigisaanik kommunalbestyrelsi tamanna pillugu Naalakkersuisunut erniinnaartumik ilisimatitsissaaq.

Imm. 2. Imm. 1 malillugu kommunalbestyrelsip inerteqquteqarluni nalunaaruteqarnerata kingorna kingusinnerpaamik Naalakkersuisunit ullut 14-it iluini aalajangiineq ataannassanersoq pillugu pineqartut nalunaarfigineqanngippata, inerteqquteqarneq atorunnaassaaq.

§ 24. Akuersissutip tunniunneqarneraniit ukiut arfineq pingasut qaangitereeersimappata, tamanna avatangiisitigut tunngavissaqarpat, imaluunniit saliinissamut periutsinik pitsaanerusunik ineriertorttsisoqarsimappat imaluunniit nioqqutissiornermi periaatsinik annikinnerusumik mingutsitsisunik ineriertorttsisoqarsimappat, nutaamik akuersissuteqarnikkut piumasaqaatit Naalakkersuisut allanngortissinnaavaat.

Imm. 2. Imm. 1-mi pineqartoq piffissaliussaq immikkut suliaqarfinnut sivikinnerussasoq Naalakkersuisut maleruagassanik aalajangersaasinnaapput, taamaattorli ukiunik sisamanik sivikinnerunngitsumik.

§ 25. Piffissami avatangiisilik atuinermik akuersissutip atuuffiani §§ 21–23 naapertorlugit taamaallaat peqqusisoqarsinnaavoq imaluunniit inerteqquteqartoqarsinnaavoq imapoisoqarsimappat:

- 1) Akuersissummi piumasaqaatit unioqqutinneqarlutik.
- 2) Mingutsitsinerup ajortumik sunniuteqarsinnaanera pillugu paasissutissat pingaaruteqartut nutaat saqqummersimallutik.
- 3) Akuersissutip nalunaarutigineqarnerani sillimaffigineqareersinnaangitsunik mingutsitsineq avatangiisirut ajoquseerujussuartunik kinguneqarsimappat, imaluunniit
- 4) Akuersissummi tunngavigineqartut annertuumik qaangerlugit mingutsitsisoqarpat.

§ 26. Suliffeqarfimmit mingutsitsinerusumiit kapitali 4 malillugu kuunnut, tatsinut imaluunniit immamut toqqaannartumik imermik minguttumik aniatitsinissamut akuersissut kapitali manna naapertorlugu akuersissutit aalangiiffineri peqatigalugit suliarineqassaaq ataatsimullu akuersissuteqarnermut ilaatinneqassalluni. Avatangiisilik atuinermik akuersissutip ilaa imermik minguttumik aniatitsinermut tunngasoq § 24, imm. 1-mi pineqartumi ukiuni arfineq pingasunut imaluunniit § 24, imm. 2-mi pineqartumi piffissaliussamut sivikillisamut ilaangnilaqt.

§ 27. Naalakkersuisut suliffeqarfinnut mingutsitsinerusunut atasumik avatangiisnik atuinermik akuersissutit pillugit maleruagassanik aalajangersaasinnaapput, tassunga ilanngullugit:

- 1) Qinnuteqarnermi aamma akuersissuteqarnermi aaqqissuussinerup ilusia imarisala.
- 2) Nalunaaruteqartartussaatitaaneq.
- 3) Akuerisissummut atasumik piumasaqaateqarneq.
- 4) Akuersissutinut piffissamik killiliineq.
- 5) Matusineq kingornatigullu suliarinninneq.
- 6) Qularnaveeqqusiineq.
- 7) Piumasaqaatinik unioqqutitsineq.
- 8) Inerteqquteqarneq peqqusinerlu.
- 9) Imminut nakkutigineq aamma avatangiisnik misissuineq.
- 10) Suliat taakku suliarineqarnerinut atatillugu oqartussat aningaasartuutaannik matusissutissanik akiliuteqartitsisarneq.

Kapitali 6

Imissaq

§ 28. Illoqarfinni nunaqarfinnilu imermik pilersuinermut atorneqartut imissamik pissarsiffingeqarsinnaasut eqqaanni assikkanik Naalakkersuisut aalajangersaassapput.

Imm. 2. Imm. 1-mi taaneqartut assikkat iluanni:

- 1) Qamutit motoorillit assartuutit atorneqaqqusaanngillat.
- 2) Atortut/sakkut motoorillit atorneqaqqusaanngillat.
- 3) Illunik, aqquzinernik aamma pisuinnartunut aqutissianik pilersitsisoqassanngilaq.
- 4) Illut pioreersut allineqassanngillat.
- 5) Inuuussutissarsiornikkut suliffeqarfinnik, sullissivinnik assigisaanillu ingerlatsisoqassanngilaq.
- 6) Uumasuuteqaqqusaanngilaq.
- 7) Atortussianik imermik mingutsitsisinnaasunik atuisaqassanngilaq, assartuisoqassanngilaq imaluunniit uninngasuuteqassanngilaq.
- 8) Suliat nr. 1-7-mut taaneqanngikkaluartut imermik mingutsitseratarsinnaasut ingerlassassanngillat.

Imm. 3. Killiliussat imm. 2-mi taaneqartut annaassiniarnermi politiillu ujarlerneranni assigisaanilu atasumik angallassinermi atuutinngillat.

§ 29. Inuaqatigiinni pissutsit immikkut illuinnartut imaluunniit inuit ajoqusersinnaanerisa pinaveersaerneqarnissaat pissutaappata § 28, imm. 2-mi inerteqquteqarnermiit Naalakkersuisut immikkut akuersissuteqarsinnaapput.

Imm. 2. Imm. 1-mi immikkut akuersissutit qaquguluunniit Naalakkersuisunit taarsiissutitaqanngitsumik allanngortinneqarsinnaapput imaluunniit

atorunnaarsinneqarsinnaapput, Naalakkersuisut naliliinerat naapertorlugu imissaqarfiiit mingutsinneqarnissamut navianartorsiorpata.

§ 30. Naalakkersuisut kommunalbestyrelsimit tusarniaareerlutik imissamik imaluunniit siunissami imisssamik pissarsiffigineqarsinnaasunik assinikkut mingutsitsinissamik navianartoqarnera pinaveersaarumallugu inerteqquteqarlutilluunniit peqqussisinnaapput.

Imm. 2. Siunissami imisssamik pissarsiffigineqarsinnaasuni aalisartoqassanngitsoq, angallattoqassanngitsoq, illuliortoqassanngitsoq, aqquserngiortoqassanngitsoq, ingerlaffisanik illiniliortoqassanngitsoq, uninggaartoqassanngitsoq il.il. pillugit Naalakkersuisut piumasaqaatinik aalajangersaasinnaapput.

§ 31. Erngup imissatut siunertanulluunniit allanut atugassatut katersorneqartup, imissatullu pitsaassuseqartinnejartussap, Naalakkersuisunit aalajangersarneqartut, minnerpaamik piumasaqaatit naammassisavai.

Imm. 2. Imissatut pitsaassusilimmik imermik katersuineq Naalakkersuisunit akuersissutigineqassaaq.

§ 32. Imissatut pitsaassusilimmik imermik illoqarfinni nunaqarfinnilu pilersuiffiup atulersinnissaa sioqqullugu imermut aamma imermik suliarinninnermut atassuteqartut aamma imip pitsaassusaanut iluaqutaasumik ajortumillu sunniuteqarsinnaasut Naalakkersuisunit akuerineqassapput.

Imm. 2. Imermik pilersuiveqarfiiit akuerisat allanngortinneqassangillat Naalakkersuisut akuersissuteqaqqaartinnagit.

Imm. 3. Atortut imermik aqquaarneqartartut annertuut ataatsimut taarserneqarnissaat akuereqqaarneqassanersoq Naalakkersuisut aalajangissavaat.

§ 33. Kapitali manna naapertorlugu suliani tamani tamanna sioqqullugu kommunalbestyrelsi, Nunatsinni Nakorsaaneqarfik aamma Namminersorlutik Oqartussani Uumasunut Nakorsaqarnermik immikkoortortaq tusarniaaffigereernerisigut Naalakkersuisut aalajangiisassapput.

§ 34. § 2-mi taaneqartup siunertap isumagineqarnissaa siunertaralugu Naalakkersuisut maleruagassanik aalajangersaasinnaapput, tassunga ilanngullugu siornatigut pissutsinut pilersitseqqinnermut il.il. aningaasartuutinik akiliuteqartarnissaq aamma aningaasartuutinut qularnaveeqquisiisarnissaq, makkununnga tunngasunik:

- 1) Imissatut allanullu atugassamik imermik imarmillu katersineq aamma maannakkut imeqarfiiit siunissamilu imeqarfissat qularnaarneqarneri.
- 2) Erngup imissap aamma inuussutissanik suliffissuaqarnermi nioqqtissiornermi imermik imissatut pitsaassusilimmik suliat ingerlannerinut atorneqartussap katersorneqartup pitsaassusia aamma nakkutiginera.

Kapitali 7

Eqqakkat

§ 35. Kialuunniit eqqagassanik pilersitsisup, uninngatitsisup, assartuisup, passussaqartup igitsisartulluunniit peqqinnissamut tunngassuteqartunik ajornartorsiulersitsinnginnissaq imaluunniit silaannarmik, imermik, serminik, qaqqamik aamma nunamik mingutsitsinnginnissaq akisussaaffigaa.

Imm. 2. Eqqakkat taaguutaat pillugit Naalakkersuisut maleruagassanik aalajangersaassapput.

Imm. 3. Kialuunniit eqqagassanik pilersitsisup, katersuisartup, suliarinnittartup, ikualaasartup allatulluunniit eqqagassanik, puukkunik imaluunniit atortut sinnikuinik igitsisartup, Naalakkersuisut noqqaassuteqarnerisigut eqqakkat allaffissornikkut aqunneqarnerannut paasissutissat pingaarutillit suugaluartunilluunniit nalunaarutigisassavai.

§ 36. Kommunalbestyrelsip eqqakkanik igitsisarnissaq isumagisaraa, atortussiallu imaluunniit tigussaasup suulluunniit eqqagassatut naliliiffigineqartarnissaq aalajangiiffigissallugu. Biilnik, umiatsiaanik, umiarsuarnik, qamuteralannik aamma tigussaasunik sunilluunniit angisuunik assigisaanillu peersinissaq aatsaat pisinnaavoq, taakkua sivikinnerpaamik qaammatini pingasuni inuttassarsiuunneqareeraangata.

Imm. 2. Kommunalbestyrelsi eqqakkanut aaqqissuuussinerup annertussusia, aaqqissugaanera allallu pillugit najoqqtassatigut maleruagassanik aalajangersagaliussaaq. Malittarisassat Naalakkersuisunit akuerineqassapput.

Imm. 3. Pinaveersaartinissaq aamma eqqakkat isumannaatsumik uninngasuutigineqarnissaat, passunneqarnissaat iginneqartarnissaallu qulakteernissaat siunertalarugu kommunalbestyrelsi peqqusisinnaavoq imaluunniit inerteqquteqarsinnaavoq.

Imm. 4. Kommunalbestyrelsi eqqakkat pillugit pilersaarusiussaaq nalunaarsuillunilu, kommunip eqqakkat pillugit pilersaarutaani eqikkarneqartussanik. Kommunip eqqakkat pillugit pilersaarutaanu Naalakkersuisut pingarnerusutigut eqqakkat pillugit iliuusissatut pilersaarutaannut tamanut atuuttumut aamma maleruagassanut allanut Naalakkersuisunit aalajangersarneqartunut, tak. § 45, imm. 2-4, kiisalu nunaminertat atorneqarnerat pilersaarusiornelru pillugit Inatsisartut peqqussutaannut naapertuitissaq.

§ 37. Atortussiat, nioqqtissiat atortullu, silaannarmik, imermik, sermimik qaqqanik aamma nunamik mingutsitsisinaasut:

- 1) Nunamut sermimulluunniit matoorunneqassanngillat.
- 2) Nunamut, qaqqamut sermimulluunniit aniatinneqassanngillat uninngasuutigineqaratillu.
- 3) Nunap iluanut kuutsinneqassanngillat.

§ 38. Nunanit allanit eqqakkanik Kalaallit Nunaannut eqqussuisoqarnissaa inerteqqutaavoq, tamatumani atoqqiinissaq siunertalarugu eqqakkat navianangitsut pineqanngippata.

Imm. 2. Eqqakkanik nunanit allanut eqqussuinissaq Naalakkersuisunit akuersissutigineqassaaq.

Imm. 3. Nunanut, nunat killeqarfii akimorlugit, eqqakkanik navianartunik assartuisarnermi taakkualu iginneqartarnerisa nakkutigineqarnerat pillugit Baselimi isumaqtigiissummut ilaasunut eqqakkanik nunanut allanut taamaallaat aallarussisoqarsinnaavoq.

§ 39. Makkununnga aningaasartuutinut matussutissatut akiliutissanik communalbestyrelsiaalajangersaasinnaavoq:

- 1) Eqqakkat pillugit aaqqissuussinerit pilersaarusrusorneqarnerannut, pilersinneqarnerannut, ingerlanneqarnerannut, piarneqarneranut, suliareeqiinernut aamma allaffissornikkut ingerlanneqarnerannut, tassunga ilanngullugit innuttaasunut innersuussinissamut aaqqissuussinerit aamma ilitersuinerit.
- 2) Eqqakkanik allanillu immikkoortiterineq, katersuineq assartuinerlu.
- 3) Eqqakkanik atoqqitassanik, eqqakkanik ikuallagassanik eqqakkanillu igitassanik suliarinninnermut suliffeqarfiit sanaartukkallu pilersinneqarnerat ingerlanneqarnerallu.
- 4) Paasisutissanik katersuineq nalunaarsuinerlu.

Imm. 2. Imm. 1 naapertorlugu akiliutit illuutillit, suliffeqarfiit, sullissiviit umiarsualiviulluunniit, nunaminertani atugassanngortinnejartuniittut imaluunniit nunaminertani atorneqartussanngortinnejartuniittut, eqqakkat pilerfiaaniittut pisussaaffittut isumagisassaraat.

§ 40. Naalakkersuisut makkua pillugit maleruagassanik aalajangersaassinnaapput:

- 1) Eqqagassat pillugit maleruagassanut aalajangersakkat ilusilersorneqarnerat.
- 2) Katersuinissanut innersuussisarnissamullu aaqqissuussinerit.
- 3) Eqqakkat iginneqarfissaannut periarfissanik innersuussinissamut communalbestyrelsip pisussaaffia.
- 4) Eqqakkat katersorneqartarnissaannut iginneqartarnissaannullu communalbestyrelsip isumaginninnissaanut pisussaaffii, tassunga ilanngullugu atortut nioqqufissiallu atoqqinnejartarnissaat.
- 5) Innuttaasut, illuutillit, suliffeqarfiit, sullissiviit umiarsualivinnilu oqartussat katersuisarnermik aaqqissuussinerit igitsivissatullu periarfissat innersunnejartut imaluunniit asimi, illoqarfinni nunaqarfinnilu eqqaanissamut aaqqissuussinerit atorneqarnissaannut pisussaaffii.
- 6) Innuttaasut, illuutillit, suliffeqarfiit, sullissiviit umiarsualivinnilu oqartussat eqqakkat pillugit nalunaaruteqartarnissamut paasisutisisarnissamullu kiisalu eqqakkat misissuiffingejartarnissaannut pillugit pisussaaffii, tassunga ilanngullugit Naalakkersuisut kommunillu maleruaqquaanni allassimasutut nalunaaruteqartarnissat.
- 7) Asimi aamma illoqarfinni nunaqarfinnilu atortussianik, nioqqufissianik aamma atortunik igitaqarnissamut inerteqquit.

Imm. 2. Eqqakkanik passussineq pillugu Naalakkersuisut maleruagassanik aalajangersaasinnaapput, tassunga ilanngullugit:

- 1) Eqqakkat immikkoortunut suussusersinerat, nalunaarutigineqarnerat, immikkoortiterneqarnerat, pilerfii aallaavigalugit immikkoortiterneqarnerat,

uninngasuutigineqarnerat, katersorneqarnerat, assartorneqarnerat, passunneqarnerat suliarineqarnerallu.

- 2) Eqqagassaqtigiaat aamma eqqakkat suussuseqatigiikkuutaat.
- 3) Suliffeqarfiiit aamma umiarsualiviit eqqagassaqtigiaanik aamma eqqakkanik suussuseqatigiikkuutaanik aalajangersimasunik immikkoortiterisartut aamma suliarinnittut.
- 4) Aningaasartuutit akilernissaat aamma aningaasartuutinut qularnaveeqqusinerit aamma suliffeqarfiiit umiarsualivinnilu oqartussat namminneq akilerlugu avatangiisinut pitsaassutsinullu aqtsinermik aaqqissuussinernik pilersitsinissaanut pisussaaffeqarnerat.

Imm. 3. Eqqakkat ajornartorsiutigineqarnerisa killilerneqarnissaat imaluunniit atoqqiisnererup siuarsarneqarnissaai siunertaralugu Naalakkersuisut makku pillugit maleruagassanik aalajangersaasinnaapput:

- 1) Suliareqqitassat immikkut ittut, atortussiat akutissat imaluunniit iluaqtigineqartartut equteequsaannginnissaat imaluunniit killilimmik nunanit eqqunneqarsinnaasarnissaat.
- 2) Suliareqqitassat immikkut ittut, atortussiat akutissat imaluunniit iluaqtigineqartartut atortuni nioqqtissianiluunniit, Kalaallit Nunaanni sananeqartuni atorneqartuniluunniit, ilanngunneqartannginnissaat aalajangersimasumilluunniit annertussusilerlugit atorneqarsinnaasarnissaat.
- 3) Nioqqtissianik tunisassianilluunniit aalajangersimasunut siunertalimmik atorneqartussanik nunanit allanit eqqussuinerit imaluunniit nioqqtissiornerit, tassunga ilanngullugit poortutissiat, Naalakkersuisunit akuersissutigineqassapput.
- 4) Nioqqtissianik tunisassianilluunniit aalajangersimasunut siunertalimmik atorneqartussanik nunanit allanit eqqussuinerit imaluunniit nioqqtissiornerit, tassunga ilanngullugit poortutissiat, aalajangersimalluinnartumik nalunaaqutserneqartassapput, kiisalu allatut nalunaaqtsiineq killilersimaarneqassaaq imaluunniit inerteqqtigineqassalluni.

Kapitali 8

*Sanaartugassanik anginerusunik sanaartornissamut akuersissuteqarnermut atatillugu
avatangiisinut sunniutinik naliliineq*

§ 41. Kinaluunniit annertuumik sanaartorniarluni imaluunniit suliffeqarfimmik pilersitsiniarluni pilersaaruteqartoq, annertuumik avatangiisinut sunniuteqartussatut isumaqarfigineqartumik, tamatumunnga Naalakkersuisut akuerseqqaartinnagit aallartitsissanngilaq.

Imm 2. Imm. 1 naapertorlugu akuersissummik qinnuteqartoqarneranut atatillugu pilersaarutip avatangiisinut sunniutai pillugit nassuaat Naalakkersuisunut nassiunneqassaaq.

§ 42. Naalakkersuisut makku pillugit maleruagassanik aalajangersaasinnaapput:

- 1) Suliffeqarfiiit, sanaartukkat aamma aaqqissuussinerit suut kapitali 8-mut ilaatinneqassasut.
- 2) Qinnuteqarnermi aamma akuersissuteqarnermi aaqqissuussinerup ilusia imarisala pilugit piumasagaatit.

- 3) Avatangiisirut sunniutit naliliiffigineqarnerat pillugu nalunaarutip imarisassaanut piumasaqaatit.
- 4) Nalunaaruteqartartussaatitaaneq.
- 5) Akuersissuteqarnermut atasumik piumasaqaatit.
- 6) Matusineq kingornatigullu suliarinninneq.
- 7) Qularnaveeqqusiineq.
- 8) Piumasaqaateqarneq.
- 9) Inerteqquteqarneq peqqusinerlu.
- 10) Imminut nakkutigineq aamma avatangiisilik misissuineq.
- 11) Suliat taakku suliarineqarnerinut atatillugu oqartussat aningaasartuutaannik matusissutissanut akiliut.

Kapitali 9

Nalunaarsuineq pilersaarusrusiornerlu

§ 43. Naalakkersuisut kommunit erseqqinnerusumik isumaqatiginiareerlutik pissutsinik, kommunini avatangiisilik innarlitsaaliuinermut pingaaruteqartunik nalunaarsuineq pilersaarusrusiornerlu pillugit maleruagassanik aalajangersaasinnaapput.

§ 44. Mingutsitsinerup tamarmiusup killilersimaarnissa siunertaralugu inuussutissarsiornermi immikkoortunut imaluunniit pisortat pilersuinerannut aalajangersimasunut Naalakkersuisut iliuusissanut pilersaarusrusiornerlu pillugit maleruagassanik aalajangersaasinnaapput.

Imm. 2. Naalakkersuisut communalbestyrelsinut, pisortat pilersuinerannut aalajangersimasunut peqqusisinnaapput inuussutissarsiornermi suliat erseqqinnerusumik taaneqartut pillugit iliuusissanut pilersaarusrusiornerlu.

Imm. 3. Iliuusissanut pilersaarutit nioqqutissiat, atortussiat imaluunniit atortut erseqqinnerusumik aalajangersimasut atorneqartarnerat, aniatinneqartarnerat imaluunniit iginneqartarnerat annikkilisiniarlugit anguniagassatut aalajangersakkanik, kiisalu avatangiisirut sunniutaasut nalunaarsorneqarnissaannut suliffeqarfitt, pisortat pilersuinerannik sulliviutaat imaluunniit inuussutissarsiornermi immikkoortut ataasiakkat pisussaaffeqarnerannik kiisalu tamanna pillugu paassisutissanik tunniussinissamut piumasaqaatinik imaqlarsinnaavoq.

Imm. 4. Iliuusissanut pilersaarusrusianimm. 2-mi taaneqartuni anguniakkat kiisalu imarisaa annertussusialu communalbestyrelsit, pisortat pilersuinerannik sulliviutaat imaluunniit inuussutissarsiornermi suliatigut suliniaqatigiiffit isumaqatiginiareerlugit aalajangersarneqassapput.

§ 45. Naalakkersuisut pingarnertigut eqqakkat pillugit iliuusissamik pilersaarusrusiornerlu. Pilersaarut ukiut sisamakkaarlugit suliarineqartassaaq, ukiuni aqqaneq-marlunni tulliuttuni eqqagassanik passussinermut tunngasoq.

Imm. 2. Kommunit eqqakkat pillugit iliuusissanut pilersaarutaasa imaa, suliaqarnermullu tunngatillugu kiisalu pilersaarutit nutartertarnissaannut piffissanik killiliinernik aamma suleriaatsinik Naalakkersuisut maleruagassanik aalajangersaassapput.

Imm. 3. Eqqakkat pillugit pilersarusiornermut piumasaqaatit suut tunngavigineqarnissaat pillugit Naalakkersuisut maleruagassanik aalajangersaassapput.

Imm. 4. Eqqakkat nalunaarsornissaannut aamma eqqagassat pillugu pilersarusiornermut ilaasumik paasissutissat suut kommuninit katarsorneqarlutik Naalakkersuisunut nassiussaneraat pillugu Naalakkersuisut maleruagassanik aalajangersaassapput.

§ 46. Naalakkersuisut ukiumoortumik avatangiisit pillugit nalunaarummik suliaqartassapput.

Kapitali 10

Pigisanut il.il. isersinnaaneq

§ 47. Inatsit naapertorlugu pisortat imaluunniit inuit taamatut piginnaatinneqartut, eqqartuussiviup aalajangigaanik peqanngikkaluarlutik, pissusissamisoortumik kinaassutsimut uppernarsaammik peqarlutik, pigisamut aamma silami nunaminertanut il.il. atuisinnaatitaasutut piginnittup atugaanut isersinnaapput, Inatsisartut inatsisaat manna naapertorlugu pisinnaatitaanertik isumaginiarlugu. Isersinnaaneq sioqqullugu atuisinnaatitaasutut piginnittooq sapinngisamik nalunaarfingineqqaassaaq.

Imm. 2. Eqqartuussiviup aalajangigaanik peqarnani imm. 1 naapertorlugu iserneq aatsaat pissaaq ilimanarpas imaluunniit natsorsuutigineqarpat annertuumik peqqissutsimut ulorianartorsiortsisoqartoq aamma annertuumik mingutsitsineq imaluunniit mingutsitsinerup siaruarnera pinngitsoortiniarlugu ingerlaannartumik iliuuseqartoqartariaqartoq.

Imm. 3. Imm. 1-mi isersinnaatitaanerup atorneqarnerani politiit pisariaqartutigut ikuutissapput.

Kapitali 11

Tamanut saqqummiussisarneq

§ 48. Naalakkesuisut tamanut saqqummiussisarneq aamma innuttaasut peqataatinneqarnissaat, akuersissutit akuerineqarnerillu allallu inatsit naapertorlugu aalajangiinerit sioqqullugit pisarnissaat pillugit erseqqinnerusunik maleruagassanik aalajangersaasinnaapput. Taamatuttaaq inatsimmi pineqartunut tunngatillugu innuttaasut peqataatinneqarnissaat pillugu pilersarusiorqarnissaanik Naalakkersuisut maleruagassanik aalajangersaasinnaapput.

Kapitali 12

Pisortat oqartussat nakkutilliinerat

§ 49. Kommunalbestyrelsip nalinginnaasumik nakkutigissavaa:

- 1) inatsisip aamma taanna tunngavigalugu maleruagassat aalajangersarneqartut eqqortinneqarnissaat.
- 2) peqqusinermik imaluunniit inerteqquteqarnermik aalajangikkat malinnejarnissaat, aamma
- 3) piumasaqaatit akuersissuteqarnermut atasumik aalajangersarneqartut eqqortinneqarnissaat.

Imm. 2. § 32-mi imermik pilersuiveqarfiiit taaneqartut aamma suliffeqarfiiit, § 19. imm. 2-mi pineqartumi allattuiffimmi ilaatinneqartut, aamma kapitali 8-mi suliat taaneqartut Naalakkersuisut nakkutigissavaat.

Imm. 3. Imermik minguttumik pisortanit pigineqartunit tamanit atorneqartunit aamma suliffeqarfinnit § 19, imm. 2-mi pineqartumi allattuiffimmi ilaatinneqartunit imermik minguttumik aniatitsinerit Naalakkersuisut nakkutigissavaat.

Imm. 4. Nakkutilliinermi suliassat, Inatsisartut inatsisaat manna malillugu imaluunniit inatsisip matuma kingunerisaanik maleruagassaliat malillugit communalbestyrelsimit isumagineqartussat, communalbestyrelsimit isumaqtiginninniareernikkut, Naalakkersuisunut isumagissanngortinneqassanersut Naalakkersuisunit maleruagassaliorneqarsinnaavoq.

Imm. 5. Kommunalbestyrelsi pissutsinut imm. 2-3 malillugu Naalakkersuisut nakkutilliinerannut pingaaruteqartunik paasisaqaruni tamanna Naalakkersuisunut nalunaarutigissavaat. Annertuumik mingutsitsineq taassumaluunniit suli annertunerusumik siaruarnissa pinngitsoortinniarlugu piaernerpaamik akulittoqarnissaa pisariaqartinneqarpat peqqussutigineqartussat inerteqqutigineqartussalluunniit pisariaqartut communalbestyrelsip Naalakkersuisut sinnerlugit ingerlaannarluni nalunaarutigissavai, taamaaliorninilu tamatuma kingorna Naalakkersuisunut ilisimatitsissutigalugu.

Imm. 6. Kingusinnerpaamik ullut 14-it qaangiutsinnagit, imm. 5 malillugu communalbestyrelsip inerteqquteqarluni imaluunniit peqqusilluni nalunaaruteqarneranit pineqartut aalajangiineq ataannassanersoq Naalakkersuisunit nalunaarfigineqanngippata, inerteqquteqarneq imaluunniit peqqusineq atorunnaassaaq.

§ 50. Nakkutilliisutut oqartussat pissutsinik unioqqutitsisoqarneranik paasisaqarunik, taamaattut unitsinneqarnissaat isumagissavaat. Tamatumunnga tunngatillugu inerteqqutit peqqussutilluunniit pisariaqartut pinaveersaartitsinerit imaluunniit pissutsinik pilersitseqqinnissamik iliuuseqarnissat nakkutilliisutut oqartussat nalunaarutigissavaat.

Imm. 2. Suliffeqarfiiit aamma innuttaasut suliaat, peqqinnissamut imaluunniit avatangiisutut pissutsinut ajornartorsiortitsilernermik kinguneqartitsisut, mingutsitsineq annikilliseqqullugu imaluunniit aalajangersimasunik iliuuseqaqqullugit, nakkutilliisutut oqartussanit peqquneqarsinnaapput.

Imm. 3. Sulianut mingutsitsinermik imaluunniit peqqissutsimik akornuseeratarsinnaasutut annertuumik navianartutut nalilerneqartunut nakkutilliisutut oqartussat peqqusisinnaapput.

Akornusiisoqaratartoqarsinnaanera pinngitsoorneqarsinnaanngippat, suliffeqarfimmik imaluunniit sularineqartoq pillugu inerteqqusummik nakkutilliisutut oqartussat nalunaaruteqarsinnaapput.

§ 51. Inatsit manna naapertorlugu peqqussineq imaluunniit inerteqqut nalunaarutigineqartoq piffissaliussap iluani malinneqanngippat, oqartussat peqqussisut imaluunniit inerteqquteqartut akisussaasumut akiligassanngorlugu iliuusereqqaq isumagittissaat.

Imm. 2. Annertuumik mingutsitsineq pinngitsoortinniarlugu imaluunniit taassuma siaruarnissaa pinngitsoortinniarlugu piaernerpaamik qanoq iliuuseqarnissaq pisariaqarpat, pisortat nakkutilliisut peqqussuteqaaqaratik iliuusissat pisariaqartut isumagissavaat akisussaasumut akiligassanngorlugu.

§ 52. Kinaluunniit Inatsisartut inatsisaanni matumani pineqartumi suliffeqarfimmik ingerlataqartoq noqqaaffigineqarnikkut:

- 1) Mingutsitsisoqaratarsinnaaneranut imaluunniit illersuutissatut qanoq iliuuserineqartussat naliliiffiginissaannut pingaaruteqartunik pisortatut nakkutilliisunut paasissutissiissaq.
- 2) Pisortatut nakkutilliisut taakkulu sinniisui sullivimmi sanaartukkanut tamanut isersinnaatitsissaaq kinaassutsimik ilisarnaatip pissusissamisoortup takutinneratigut.
- 3) Atortunik il.il. pineqartup atugaanik misilgummik tunniussaqassaaq, kiisalu atortussianik igitassanik peqarpat.
- 4) Pisortatut nakkutilliisunut kinaanerminik ilisimatitsissaaq.

§ 53. Suliaqarnermi mingutsitsisoqarneranik pissutaasinnaasunut akisussaasoq, ingerlatsinermi akornuteqartoqarpat imaluunniit ajutoorneq annertuumik mingutsitsinermik kinguneqarpat imaluunniit taamaattoqarsinnaanera navianartoqarpat, erngerluni pisortatut nakkutilliisunut nalunaaruteqassaaq.

Imm. 2. Suliaqarnermi mingutsitsisoqarnernik pissutaasinnaasunut akisussaasoq, mingutsitsinerup annertusinissaa pinngitsoortinniarlugu imaluunniit mingutsitsisoqarnissaanik navianartorsiorneq pitsaalliorlugu, annertuumik mingutsitsisoqarsinnaaneranik navianartoqartillugu atortussianik il.il. mingutsitsisunik aniatitsineq erngerluni unitsissavaa.

§ 54. Kinaluunniit suliffeqarfimmik, pigisamik nalilimmik pigisalik imaluunniit ingerlataqartoq, imaluunniit pisortat suliffiutaat, pisortat nakkutilliisut noqqaassuteqarnerat naapertorlugu mingutsitsisoqaratarsinnaanera imaluunniit mingutsitsineq pillugu naliliinermut pingaaruteqartunik kiisalu pinaveersaartitsiniarluni imaluunniit ikorsiissutitut iliuuserineqartut pillugit paasissutissanik tunniussissaaq.

Imm. 2. Kinaluunniit suliffeqarfimmik, pigisamik nalilimmik siusinnerusukkut pigisaqarsimasoq imaluunniit ingerlataqarsimasoq, imaluunniit pisortat suliffiutaat, pisortat nakkutilliisut noqqaassuteqarnerat naapertorlugu mingutsitsinerup killeqartinnissaanut imaluunniit mingutsitsisoqaratarsinnaanerup pinngitsoortinnissaanut pingaaruteqartunik paasissutissanik tunniussissaaq.

Imm. 3. Piginnittooq ingerlatsisorluunniit akisussaasoq pisortanit nakkutilliisunit peqquneqarsinnaavoq, imm. 1 naapertorlugu., nammineq akiligassaanik makkuninnga suliaqaqqullugu:

- 1) Atortussianik avatangiisut aniatinneqartartunik, nipiliortitsinermik kiisalu sajuppilutsitsinermik misiligitissanik tiguseqqullugu, misissueqqissaqqullugu uuttortaaqqulugu. Misissuinermit inernerit kinguarsaanertaqanngitsumik nalunaarutigineqassasut nakkutilliisutut oqartussat piumasarisinnaavaat.
- 2) Atortussianik nioqqutissianillu atorneqartunik suliarineqartunilluunniit kiisalu atortussianik eqqagassanik misiligitissanik tiguseqqullugu aamma misissueqqissaqqullugu. Misissuinermit inernerit kinguarsaanertaqanngitsumik nalunaarutigineqassasut nakkutilliisutut oqartussat piumasarisinnaavaat.
- 3) Mingutsitsinerup pisup pinerata sumik pissuteqarneranik aamma sunniutaanik nassuaaneq.
- 4) Mingutsitsinerup kingunerisassaasa qanoq ikiorserneqarnissaat imaluunniit pinaveersaartinneqarnissaat qulaajarlugu.

§ 55. Kommunalbestyrelsi noqqaaffigineqarneq naapertorlugu kommunip pineqartup iluani avatangiisit pillugit pissutsit naliliiffiginissaannut pingaaruteqartunik Naalakkersuisunut sunik tamanik paasissutissiissaq.

§ 56 Pisortat nakkutilliisut sulinerisa ingerlanneqarnera aamma annertussusia pillugu Naalakkersuisut maleruagassanik aalajangersaasinnaapput.

Imm.2. Kommunalbestyrelsit nalunaarsuinermik nakkutilliinermilu ingerlatsinerat pillugu nalunaarutinik nassiusisarnissaat pillugu Naalakkersuisut maleruagassanik aalajangersaasinnaapput, tassunga ilanngullugit uuttortaanermi misissuinermilu inernerit, kiisalu nalunaaruteqartarnerit ilusaat pillugit maleruagassanik aalajangersaasinnaallutik.

Imm 3. Kommunalbestyrelsip ilanngutitinneratigut piffissamut aalajangersimasumut tunngatillugu kommunalbestyrelsip nakkutilliinermi pisussaaffiata annertussusia pillugu Naalakkersuisut aalajangersaasinnaapput.

Kapitali 13

Peqqussuteqarnermut inerteqquteqarnermullu tunngatillugu najoqqutassat

§ 57. Suliamut attuumassuteqartut tusarniaaffigereerlugit pisortat peqqussuteqarnermik imaluunniit inerteqquteqarnermik aalajangiinerat allaganngorlugu pineqartunut nalunaarutigineqassaaq Nunatsinni Nakorsaaneqarfik ilisimatillugu. Aalajangiinerit imarissavaat aalajangiinerup malinneqarnissaanut piffissaliussaq.

§ 58. Peqqinnissamut navianartorsiortitsineqalersillugu kiisalu annertuumik mingutsitsineq imaluunniit mingutsitsinerup siaruaannissaa pinngitsoortinniarlugu ingerlaannartumik

akuliunnissaq pisariaqalersillugu, peqqusinermik inerteqquteqarnermilluunniit aalajangerneq oqaasiinnakkut nalunaarutigineqarsinnaavoq ingerlaannartumillu malinneqassalluni.

§ 59. Nakkutiliinermi suliassani tamaní, peqqinnissamut navianartorsiortitsisoqarneranik imaluunniit tamatumunnga navianartorsiortitsisoqaratarsinnaaneranik pinngitsoortitsinissamik tunngaveqartumik peqqussinissami imaluunniit inerteqquteqarnissami Nunatsinni Nakorsaaneqarfik aalajangiinermi peqataatinneqartassaaq.

Kapitali 14

Maalaaruteqarneq aamma eqqartuussivimmi suliassanngortitsineq

§ 60. Inatsisartut inatsisaat manna imaluunniit inatsimmik matumannga toqqammaveqarluni maledruagassat aalajangersarneqartut naapertorlugit aalajangiinerit tamarmik Avatangiisit Innarlitsaaliorneqarnissaat pillugit Naammagittaalliuuteqartarfimmut suliassanngortinneqarsinnaapput.

Imm. 2. Maalaaruteqarsinnaasut tassaapput:

- 1) Aalajangiiffigineqartut.
- 2) Nunatsinni Nakorsaaneqarfik.
- 3) Kinaluunniit suliap qanoq naammassineqarnissaanut nammineq immikkut annertuumillu soqtigisaqartoq.
- 4) Peqatigiffit suleqatigiiffillu, malittarisassatik naapertorlugit nunanik peqqissarfiullutik qasuersaarfiusartunik, avatangiisink pinngortitamillu annertuumik soqtigisanik isumagisaqarnissamik siunertaqartut.

Imm. 3. Maalaaruteqarnissamut piffissaliussaq sapaatit akunneri arfiniliupput, piffissat uku kingulliit aallaavigalugit naatsorsorlugit:

- a) Aalajangiinermut sammitinneqartup ullormiit aalajangiinerup nalunaarutiginerannit.
- b) Akuersissutip ullormi tamanut saqqummiunneqarneraniit, tamanut saqqummiussinissamut pisussaaffik Inatsisartut inatsisaat manna malippagu imaluunniit inatsit manna malillugu maledruagssatigut aalajangersarneqarsimappat.

Imm. 4. Naammagittaalliuuteqartarfip aalajangigai pisortat ingerlatsiviinut allanut suliassanngortinneqarsinnaanngillat.

§ 61. Avatangiisit Innarlitsaaliorneqarnissaat pillugit Naammagittaalliuuteqartarfik pingasunik ilaasortaqarpoq. Inatsisartut inassuteqareernerisigut siulittaasussamik aamma ilaasortanik marlunnik, taakkunannga aappaa Kalaallit Nunaanni Kommuneqarfifit Kattuffiannit inassutigineqartumik, Naalakkersuisut toqqaassapput. Ilaasortanut tamanut sinniisussanik toqqaasoqassaaq.

Imm. 2. Naammagittaalliuuteqartarfimmi ilaasortat Naalakkersuisunut ilaasortaassanngillat.

Imm. 3. Naammagittaalliuuteqartarfimmi piffissap qinigaaffiup Inatsisartunut qinigaaffik piffissaq assigaa. Ataatsimiititaliaq nutaamik Inatsisartunut qinikkat katersuunneranni siulittaasussamik inassuteqareernissaata tungaanut sulissaaq.

Imm. 4. Naammagittaalliuuteqartarfimmut ataatsimeeqataasartunik sulianik immikkut ilisimasalinnik aggersaasoqarsinnaavoq.

Imm. 5. Naammagittaalliuuteqartarfiup suleriaasisssani nammineq aalajangersassavaa.

§ 62. Maalaaruteqarneq peqqussinermut imaluunniit inerteqqusummut kinguartitsisarpoq Avatangiisit Innarlitsaaliorneqarnissaat pillugit Naammagittaalliuuteqartarfiup suliami aalajangiinissaata tungaanut imaluunniit Naammagittaalliuuteqartarfiup allatut aalajangiinissaata tungaanut.

Imm. 2. Pisortat, pissutsinik immikkut ittunik pisoqartillugu, peqqussinermik imaluunniit inerteqquteqarnermik aalajangiisut, peqqussineq imaluunniit inerteqquteqarneq peqatigalugu aalajangiisinhaapput maalaaruteqartoraluarterluunniit aalajangigaq malinneqassasoq.

Imm. 3. Imm. 2 naapertorlugu aalajangigaq maalaarutigineqaraluartorluunniit peqqusineq imaluunniit inerteqquteqarneq malinneqassaaq Naammagittaalliuuteqartarfiup allamik aalajangiinissaat tungaanut.

§ 63. Akuersissut, akuerineqarneq imaluunniit immikkut akuersissuteqarneq pillugu maalaarut kinguartitsisinnaanngilaq, Naalakkersuisut allamik aalajangiisimatinnagit. Akuerineqarnerit aamma akuersissutit ilaat maalaaruteqarnissamut piffissaliussap iluani atuutsinnginnissaat aamma maalaarut kinguartitsisinnaasoq pillugit Naalakkersuisut maleruagassanik aalajangersaasinnaapput.

Imm. 2. Akuersissut, akuerineqarneq imaluunniit immikkut akuersissuteqarneq pillugu maalaarutip naammagittaalliuuteqartarfimmit allanngortinnejarnissaanut imaluunniit atuukkunnaarsinnissaanut imm. 1-mi aalajangersagaq killiliinngilaq.

§ 64. Inatsisartut inatsisaat manna imaluunniit taassuma malitsigisaanik najoqqutassiarineqarsimasut naapertorlugit akuersissutip, akuerineqarnerup imaluunniit immikkut akuersissuteqarnerup iluaquteqarneq sanaartornissamik ingerlataqarnissamik tunngaveqarpat, suliat taamaattut suliainerat aallartinneqassannigillat maalaaruteqarnissamut piffissaliussaq § 60, imm. 3-mi taaneqartoq qaangiutsinnagu.

Imm. 2. Immikkut pisoqartillugu aamma qinnuteqarneratigut maalaaruteqarnissamik piffissaq suli qaangiutinngitsoq sanaartornermi ingerlatat aallartinnissaannut Naalakkersuisut akuersisinnaapput. Taamatut akuersineq maalaarutigineqarsinnaanngilaq.

Eqqartuussivimmi suliassanngortitsineq

§ 65. Inatsisartut inatsisaat manna imaluunniit Inatsisartut inatsisaat tunngavigalugu maleruagassat naapertorlugit aalajangiinerit eqqartuussivimmi suliassanngortitsinikkut misilinneqarnissaat aalajangiinerup nalunaarutigineqarneraniit qaammatit arfinillit qaangiutsinnagit suliassiissutigineqassapput. Aalajangineq tamanut ammasumik nalunaarutigineqarsimappat taamaattoq piffissaliussaq nalunaaruteqarnermiit tamatigut naatsorsorneqassaaq.

Kapitali 15

Pineqaatissiinerit pillugit aalajangersakkat il.il.

§ 66. Akiliisitaasussanngortitaasinnaavoq :

- 1) § 35, imm 3, § 52 imaluunniit § 54, imm. 1-2 naapertorlugu noqqaaffigineqarnerminik malinninngitsoq.
- 2) § 53, imm. 1 naapertorlugu nalunaaruteqanngitsoq.
- 3) § 19, imm. 1 aamma imm. 3, § 31, imm. 2 imaluunniit § 32, imm. 1 naapertorlugu akuersisummik pissarsiniaqqaarsimannngitsoq.
- 4) § 17, imm. 1-3, §§ 20-23, § 25, § 27, § 30, imm. 1, § 36, imm. 3 aamma § 42, § 49, imm. 5, § 50 imaluunniit § 54, imm. 3 naapertorlugu peqqusinermik, inerteqquteqarnermik imaluunniit piumasaqaatinik unioqqutitsisoq.
- 5) § 15, imm. 1-2-mi, § 28, imm. 2-mi, §§ 37-38-mi, § 41, imm. 1-mi, § 53, imm. 2-mi imaluunniit § 64, imm. 1-im i aalajangersakkanik unioqqutitsisoq.

Imm. 2. § 35, imm. 1-imik unioqqutitsisoq akiliisitaasussanngortitaasinnaavoq, eqqakkanik pilersitsinermigut, uninngatitsinermigut, passussinermigut imaluunniit peersinermigut

- 1) allat peqqissusiannik ulorianartorsiortitsisoq, imaluunniit
- 2) silaannarmik, imermik, sermimik, qaqqamik imaluunniit nunamik mingutsitsinermik pilersitsisoq.

Imm. 3. § 10, § 18, § 19, imm. 4, § 27, § 34, § 40 aamma § 42 naapertorlugit maleruagassiani atulersinneqartuni aalajangersakkanik unioqqutitsineq akiliisitaasussanngortitsineq pillugu aalajangersaasoqarsinnaavoq.

§ 67. Inatsisartut inatsisaat imaluunniit Inatsisartut inatsisaat malillugu najoqqutassiat atulersinneqartut akiliisitaasussanngortitsinermik tunngaavissiippata, Kalaallit Nunaanni pinerluttulerinermi inatsimmi maleruagassat malillugit inatsisitigut pisinnaatitaasoq pisussaatitaasorlu akiliisitaasussanngortinnejqarsinnaavoq.

Imm. 2. Inatsisartut inatsisaannik matuminnga unioqqutitsinermi pinerluttulerinermi inatsimmi maleruagassat malillugit aamma arsaarinnittooqarsinnassoq.

§ 68. Akiliisitsisutissap annertussusilernerani § 2-mi eqqarsaatigisassat taaneqartut pingartinneqassapput. Unioqqutitsineq inuussutissarsiummut ingerlatsinermut atasumik pippat kinguneqartitsinermi tamanna sukannernerulersitsissutaassaaq.

Kapitali 16

Atortuulersitsineq il.il.

§69. Sakkutooqarfimmi Pituffimmi Inatsisartut inatsisaat atuutinngilaq.

§ 70. Inatsisartut inatsisaat una atuutilerpoq januarip aallaqqataani 2012-mi.

Imm. 2. Peqatigissaanik Avatangiisit innarlitsaaliorneqarnissaannik Inatsisartut peqqussutaat nr. 12, 22. december 1988-meersoq, kingusinnerusukkut allannguutai ilanngullugit, atorunnaarpoq.

Imm. 3. Imm. 2-mi inatsisartut peqqussutaat taaneqartut malillugit maleruagassat maannamut atuuttut atuutiinnassapput, Inatsisartut inatsisaat manna naapertorlugu atortuujunnaarsinneqarnissamik imaluunniit allanngortinneqarnissamik tungaannut.

Namminersorlutik Oqartussat, ulloq xx 2011

Kuupik Kleist

/

Anthon Frederiksen